

Tež meble dyrbja planować

Z posedženja gmejnskeje rady Ralbicy-Rožant

Rožant (JK/SN). Gmejnscy radźićeljo Ralbic-Rožanta mějachu na swojim wčerawšim posedženju w Róžeńčanskim gmejnskim zarjadnistwje wšelake temy zarjadskeho dźěla wuradźować a wobzamknyć. Spočatnje zaběrachu so z městnym pruwowanjom kónčlětneho wotličenja lěta 2016, kotrež předstaji sobudźělaćer pruwowaceje firmy Steinbach & Kollegen. Tute wobswědča delanskej gmejnje dobry staw zarjadnistwa kaž tež porjadne zličbowanje w lěće 2016. Gmejna dósta za to njewomjezowany posudk prawosće. Na tajkim dobrym zakładze da so dale hospodarić. Kaž komornica gmejny Francisca Čapikowa radźićelam zdžěli, so hižo nětko pruwowanju lěta 2017 wěnuja a je lětsa zákónča. Za dvě lěće

chcedža tež wšitke dalše kónčlětné pruwowanja hač do lěta 2021 zmištrować.

Wážny krok k zwoprawdženju nowotwara Ralbičanskeje pěstowarnje su radźićeljo z přepodaćom dalšich nadawkow twarskim firmam činili. Tak přepodachu třechikryjerski nadawk firmje Meisterdach & Fassadenbau z Großhartauwa za cyłkownje 263 035 eurow. Poskitk za tutón lós, kotryž bě po cyłej Europje wupisany, wotedachu tři firmy. Tež předewzaće z blišeje wokoliny bě so wo nadawk prócowalo, ale njebě jón kaž je předpisane digitalnje zapodała a njeje so tuž wobkedźbować móhla.

Dalši nadawk přepodachu Lipščanskej firmje Schindler Aufzüge, kotraž zatwari lift za 46 400 eurow. Planować

ma so wuhotowanje noweje pěstowarnje z meblemi. Tónle nadawk dósta Kamjenska firma TDW, kotraž je tež cyłkowny twar planowała. Planowanje mobiliara płáči 36 900 eurow.

W zwisku z přepodaćom nadawkow wjesnjanosta Hubertus Ryćer (njestronjan) rjekny, zo je Budyski krajnoradny zarjad po pruwowanju lětušeho hospodarskeho plana delanskeje gmejny přikazał, srědky za nowotwar pěstowarnje wot dalšich financow hospodarskeho plana kruće wotmjezować. Z tym chce tomu zadžěwać, zo w gmejnje pjenjezy prawje njenaložuja a zo přehlad wo wudawkach njezhubja. Kaž připowědžene dóstanu radźićeljo stajnje aktualny staw wudawkow a staw hišće zwostatych srědkow.